


任器京師仕一作人雜然言議以為非今日之有指為異
事嗚呼公之德行可以稱古之集無君子矣牧分實通家
義惟集作推先執復以彛昧集作耿叨在賓席幼熟懿行長奉
指教集作泣涕譔記以備闕以附于史氏云爾謹狀

文苑英華卷第九百七十七

文苑英華卷第九百七十八

交舊一



祭荊州刺史陰道方文一首

祭處士仲長子光文一首

祭劉少監文一首

祭郝少保文一首

祭陸郵縣文一首

祭邠陰公文一首

祭趙郎將文一首

祭梁宣王文一首

祭魯忠王文一首

祭汝南王文一首

祭杜學士審言文一首

祭楊盈川文一首

祭王城門文一首

祭荊州刺史陰道方文

魏收

維太昌元年十二月庚申朔越十二日辛未友人鉅鹿魏
收謹以清酌少牢之饌敬祭于荊州刺史陰君之靈嗚呼
哀哉惟君世載不殞英聲在茲風流有屬自爾弘之孝爲
行本忠實身基旣言斯立罄禮窮詩器則清賞才惟英博
於暢風雷蕭條丘壑顧言朝市忘懷淡薄比契沉冥均情
寂寞往塵守官及爾同僚墳窟合韻琴瑟俱調丹墀踵武
清道齊鑣跡淪閑曠心共津濠乃眷平生相忻多趨殷勤
宴喜流連辭賦溢矣不追長違世務詠歌徒在音徽空樹
昔猶肢體與子裘裳今其往也生死殊方形骸何促天地
何長申茲沃醑贈以哀傷嗚呼哀哉

祭處士仲長子光文

王勣

歲月日隣人王勣

集作續

謹以魚醴之奠敬祭仲長先生之

靈曰明道若昧進道若退鳥飛知還龍亢必

集作若

悔嗟嗟

夫子理融其內不伎不求無憎無愛古人有言微妙玄通

藏用以密養正以蒙嗟嗟夫子允執其

集作厥

中不見其始

孰知其終蕩蕩心跡

集作止

悠悠默語周覽人事退居河渚

何去何從誰求

集作棄

誰與聊同聚散亦均寒暑大矣夫子

其生若浮至矣夫子其死若休鄉黨不懼朋友

集作友朋

不憂

素琴猶在黃經尚留老來難

集作不

婚梁鴻難偶筵無饋奠

室無箕箒嗟嗟夫子豈圖其後金玉蒲堂莫爲之守

集作道爲

友之凡我故人素服臨旛葛巾從窆桐棺以遷墳不易壠坎

不及泉苟無恒

集作恒

化于何問天道性旣喪仁義鋒起祭

非古也禮之爲始吾從其俗敢告夫子清樽薄奠神其歆止

爲薛令作祭劉少監文

楊炯

中書令河東薛某謹以清酌中牢之奠敬祭故少監劉公之靈惟此陶唐有此冀方上天祚漢人神攸贊開國承家枝分葉散三貂赫赫於臺省駟馬謖謖於里閭德之有隣吐符兮降神家之積慶受祿兮宜君星躔可以衝南越艷邑可以質集作質西秦言鄭公之不死謂張衡之後身雍州爲積高之地初登吏部尚書即喉舌之端始拜郎官見天子而題柱侍明光而握蘭入麒麟之閣圖書掌於河洛測璇玉之璣造化窮於制作大風積也方絕於雲天有力負

之生悲於溝壑嗚呼哀哉言念平生求其友聲適我願兮共得朋從之道又吾姨也俱承下嫁之榮良辰美景必窮於樂事茂林修竹每叶於高情援菑蘭而無愧指金石以當行誰言倏急遽隔幽明人非兮地是心拆兮骨驚卜日今先遠陰靈凝兮歲將晚臨平交兮望行幘君一去兮何時返石室兮沉沉蓬萊山兮寂又陰蒼烟漫兮紫苔深陳絮酒兮涕沾襟嗚呼哀哉

詹事府官寮祭郝少保文

前人

少詹事鄧玄機求昌令狐恩府司直王思善楊炯主簿鄭行該等謹以清酌庶饑之奠敬祭太子少保郝公之靈若夫星象降質山川受氣以道爲尊以和爲貴軒后夢之

於大澤之王卜之於清渭實馮舟楫之功集作必藉塩梅
之味昭昭北斗宮號文昌隱隱西掖池名鳳凰增萬機而
叅政本定五字而對休光珥豐貂之鞞鞞識遺佩之鏘鏘
懸車之歲方稱國老步輦之榮遂居師保劉蕃以光祿緝
訓和嶠以尚書贊道百年方享於期願五福與徵於壽考
西山訪藥北壁尋經金丹不化玉釜何成梁木斯壞曲池
坐平府庭颯而變色寮屬慘而相驚嗚呼哀哉玄機等親
聞教義夙承提獎懷德音之不忘痛丹壑之長往門館間
寂簾帷彷彿莫行潦之蕝繁庶明靈之降饗嗚呼哀哉

爲梓州官屬祭陸鄴縣文

前人

垂拱二年太歲景戌正月壬寅朔二十二日癸亥長史

劉某謹以清酌庶羞之奠敬祭陸明府之靈夫萬里之別
猶使飲淚成血思德音之斷絕况百年之分能不憂心如
薰想公子兮氛氲惟彼積德挺生夫君天垂白氣地發黃
雲江則有沱集作泥是爲國之紀居傳其政愛人如子山則有
梁鎮集作國茲一方君弘其道視人如傷久勞于外路阻且
長曾未朞月人之云云嗚呼哀哉哀哀弱嗣朝暮一溢皎
皎孀妻饋乎下室蜀門如劔長安如日歸路何從我心如
集作之疾嗚呼哀哉凡我在位羈官邊城共戮力兮誰言死
生思其人兮造其庭恍無見兮寂無聲稱傷兮酌酒心折
兮骨驚嗚呼哀哉

祭汾陰公文

前人

羅大唐光宅之六祀太歲甲申冬十有二月戊寅朔丁亥

御辰楊炯以采毛清酒集作酌之莫敢昭告于故中書令汾

陰公之靈靈字集作貴神嗚呼哀哉惟公含純德而載誕兮稟元

精而秀出集作特秀非備百行而立身兮半千年而委質屬天

地之貞觀兮逢聖人之得一若夔龍稷禹之寅集作翊亮舜

朝兮若肖曹魏邴之謀猷漢室懸大名於宇宙兮立大勳

於輔弼如何斯人而有斯疾曾未遐壽中年殞疑作殞卒嗚

呼哀哉若夫家傳寶鼎地闢金構文則屬詞而比事兮學

則八索而九丘入則東藩之上相兮出則南面之諸侯集

通唯盡善兮未善固雖休而勿休既知退而知進兮亦能

剛而能柔大才則九功惟叙兮大智則萬物潛周崇德

業兮樂天知命而不憂嗚呼哀哉門館虛兮寂寞歲窮

兮搖落備物儼兮以集作如存光靈耿兮焉託垂纁惟與祖

帳兮罷歌臺與舞閣天子惜其毗余兮羣臣思其可作嗚

呼哀哉俯循兮弱齡叨襲兮簪纓公夕拜之時也既齒跡

於渠閣公春華之日也又陪遊於層集作郡城參兩宮而承

顧盼兮歷二紀而洽恩榮郭有道之青集作題目兮蔡中郎

之下迎候焉今古非復平生無德不報兮願摩頂而至足

有生必死兮空飲恨而吞聲天慘慘兮氣冥冥月窮紀兮

日上丁籍白茅兮無咎和黍稷兮非馨嗚呼哀哉

為李總管祭趙郎將文

駱賓王

姚州道大總管李義祭趙郎將之靈惟靈降精辰象委質

昌期棄筆文場早徇封侯之志影纓武帳坐昇戎秩之榮

屬須補挺祆集作妖昆池集作明習戰應星文而動將奉天罰

以揚威不能弘廟筭於五集作四戎叶神謀於九變致使集作

令王師失律凶狡憑陵驚亢南臨同五谿之深入叩關北

阻類雙嶠之不歸亭候多虞故有負於明代春秋責帥豈

無愧於幽途悲夫任賢與能明君之事也陳力就列忠臣

之義也郎將雖見危授命固誠節之有餘臨難圖集作權機

何智謀之不足嗚呼哀哉義猥以散才謬專分閫途經夷

落路踐戎場停疲驟於九泉悲來有地痛遺骸於四野泣

下無從暫輟征旅之勤爰崇掩骼之義庶幽靈有托梧丘

息入夢之寘壯士不還薤露起送終之曲嗚呼哀哉九真

邊徼萬里長安城危踈勒山峻華蘭因原為隴即壤成楮

夕陰低而平蕪晦秋風急而荒戍寒嗚呼哀哉異域幽埏

但見新栽松柏他鄉古木非復舊邑粉榆感平生其若集作斯

作在聊申絮酒儻聰明之不昧式集作或薦單集作單醪

為宗尚書祭梁宣王文 宋之問

維大唐景龍元年歲次丁未十月乙未朔四日戊戌兵部

尚書宗楚客第將作大匠秦客等謹以清酌庶羞之奠致

祭于梁宣王之靈惟王神岳降靈英姿濟代在周錫梁社

之寵翊唐有代邸之勳不謂業在必安而釁生非意賊臣

結黨大集作奔黷宸闈逆子弄兵輕集作讒誣懿戚密謀奉主

惟以國家為心飛集作非禍及門齟令父子併命九重軫念

悼舟楫之堙沒百辟興嗟愴衣冠之殄悴楚客等早承輝

眄夙忝集作本娛遊姻屬謬接於葭莩兄弟竊方於鴈集作橘

序叨列五等同事兩朝昔以高義銘心今猶德音在耳嚴

慈未往伯季凋零友睦申於長昧成立冀於猶子而家不

悔禍俱斃仇人集作讐入私庭而痛深過王門而悲極竹池

舊賞看鴈鷺之猶歸蒿里新歌恨天人之未逝嗚呼哀哉

九原撰日萬古營冤士集作人悲高駕帝勸津門殞欵作賢

輔而星圻一作折非害良臣而霧昏想平生之如此集作在庶髮

鬚於斯樽尚饗

為宗尚書兄弟祭魯忠王文 前人

維景龍二年歲次戊申月日兵部尚書楚客弟將作大匠

奉客等謹以清酌之奠敢昭告于魯忠王之靈惟玉寶

因地瑤林蕭某作蔽天靈資海岳質冠神仙德潤猶雨機清

若泉不孤大造集作小年百身豈贖四序云變慈軫

玉宸悲盈金殿令德彌秀徽容難見悼前歲之今日共街

酸於隙電錦鸞失偶臺鳳悲隻玳席賓空金鄉戶閭徑不

踐兮苔紫庭不遊兮草碧敢申賦於童耿痛平生之姻戚

嗚呼哀哉鴈池送夏馬埒迎秋露白天淨雲低隴愁恨名

王之淪枉悲促運之浮休蓄哀思而成泣憑聰明而致羞

小山一平兮多桂樹故人雖在今罷蘭遊心追往而將絕

淚橫目兮集作而難收嗚呼哀哉尚饗

為韋特進已下祭汝南王文 前人

維大唐景龍二年歲次戊申月日某官某等謹以清酌之

奠祭祭字集作于汝南王之靈相門踵德王實挺生天資

溫克神與聰明人稱玉樹我嗣金籬芝庭欲秀桂林將逐

惟彼鴈堂集作墜茲鴻陸魁奪精氣墳迷草集作木漢皇

纂錄周母參功夷夏集作昭洗幽明感通九竅見日一葉

隨風孝極先妃丹旒前歸慈殷諸季素旒集作相次楚眊

啜泣秦人下淚荆分自久棣落無餘悲炎海之下制惟集

懷觀津之上書為忌南而跼水鴈愛北而隨車嗚呼凡在

枝戚衍恩極遍寵賁濯龍榮同化鷺獨傷元子冥冥無見

玉宸下感金屋增悲珠亡禍速沙崩慶遲綠車為贈黃泉

各集作思官舍攸止先塋甫訖齊國返塋隨原可作靈之

歸來無惑甌駱尚饗

祭杜學士審言文

前人

維大唐景龍二年歲次戊申月日考功員外郎宋之問謹

以清酌之奠敬祭于故修文館學士杜君之靈嗚呼位曰

大集作寶才曰天爵辭集作業備而官成名集作聲高而

命薄屈原不終於楚相楊雄自投於漢閣代生人而豈無

人違代而咸若運鍾唐虞崇文寵儒國求至寶家獻靈珠

後俊二字集有王楊盧駱繼之以子跡集作雲衢王也集

服才參卿於西陝楊也終遠宰於東吳盧則哀其栖山而

卧疾駱則不能保族而全軀由運然也集作莫以福壽自

衛將神忌也不得華實斯俱惟靈昭昭度越諸子言必得

俊意常通理其含潤也若和風欲曙搖露氣于春林其秉

艷也似涼雨半晴懸日光集作於秋水眾轍同遵者擯落

羣心不際者探擬人也不幸而則亡名兮可大而不死君

集作靈之栖遑自昔迷方逢時泰兮欲達聞數奇兮自傷厲

文母之丕運應才子之明敷援淪秀於蘭畹侍遊仙於栢

梁命以著作拜之為郎始翔駕於清列旋禦魅於炎荒遺

旅鴈兮超彭蠡作編人兮居越裳集作殊許靖之新適億

虞翻之舊鄉惟皇龍興再施法度拂洗溟渤騫集作翔雨

露通籍於八舍禁門搖筆于萬年芳樹仰赤墀兮非遠謂

白首兮方遇君病何病到此彌留藥雖集作餌兮寧愈針

不及兮可憂雖則妙醫莫識實真明神獲瘳嗚呼哀哉君

集作靈下之將亡其言也善余向十旬日或再展君感斯

意贈言宛轉識金石之契密悔文章之交淺命子誠妻既

懇且辨自予集作與君弱歲遊執文翰共許風露集作相

浥况窮海兮同窟復文房兮並入川流遽閱隙電初過昔

乘運兮如此今造冥兮若何懷君疇昔集作好兮恨已積念

君恩惠集作近惠今情倍多道之南宅困之東粟使君孤之有

餘寧我家之不足籍籍流議喧喧薄俗名全每困於鑠金

身沒誰恨其埋玉空落長松千尺詎置生芻一束倬彼韋

公贈殷禮緝善乎崔子理感情屬相識有素見覽集作增

勗滌君詞賦於雲臺之上藏君齒髮於緱山之曲緱氏山

今山上雲秦城郊兮郊外墳孟冬十日兮共歸君集作夫君

曾

君集作靈有靈今聞不聞我咀瑤屑君知自久坐泣焚芝
下同遙哀盡柳闕視集作祖載爰集作遺集作卮酒願歆悲誠
將告良友尚饗

祭楊盈川文

前人

維大周某年月日西河宋某謹以清酌脯羞之奠敬祭于
楊子之靈曰自古皆死不朽者文北河吐集作液西岳生
靈集作爰叶集作通氣降精于君伏道孔門遊刃諸子精
微博識黃中通理屬詞比事宗經匠史玉璞金渾風搖雲
起聞人之善若任諸已受人之恩許之以死惟子堅剛氣
陵秋霜行不苟合言不苟志大君有命徵子文房余亦叨
忝隨君頡頏同趨北禁并拜東堂志事俱得形骸兩忘載

惟寒暑貧病洛陽裘馬同弊老幼均糧自君出宰南浮江
海余嘗苦饑今日猶在之子妙年香名早傳從來金馬夙
昔崇賢門庭若市翰墨如泉千載之後聞而凜然死而不
忘問余何傷傷余命薄益州零落生平集作之言幽顯相
託痛君不嗣匪我孤諾君有兄弟同心異體陟岡增哀歸
塋以禮旅襯飄零于洛之汀我之懷矣感歎入冥見子之
第類子之形悼往心絕慰存涕盈古人有言一死一生昔
子一作往矣追送傾城今子來也乃知交情惟郭是戚有
崔不易來哭來祭哀文在席惟席可集作依冰雪四蒲家
人哀哀賓徑微斷今我傷悲情懃昔時子文子翰我緘我
持子宅子兆我營我思子有神鑒我言不欺我有絮酒子

其歆之我亦引蒲儻昭神期竟兮歸來聞余此詞

祭王城門文

前人

維長安二年歲次月日司禮主簿宋某謹以清酌之奠敬
祭于故宮尹丞太原王君之靈惟靈顯考抗志恬漠九辟
奚顧一丘自樂行儀集作擬巢由言重許郭粵我先人比德
同道理闡探索詞源論討翰墨具存有真有草古人至集
之言朋友世親王氏兄弟既義集作禮且仁撫我則厚莫殊
天倫粵我幼蒙哀纏岵岵急難相顧若出諸已聞過必箴
見善斯喜盛德之後昔聞其昌之子壯年朱紱始光賀者
在門哭者在堂慰君之兄撫君之子郭門祖祭平生已矣
問天何言閉恨泉裏嗚呼哀哉尚饗

卷終

文苑英華卷第九百七十九

祭文二

交舊二

為建安王祭苗君文一首

祭黃州高州君文一首 祭韋府君文一首

祭率府孫錄事文一首 祭孫府君文一首

祭崔侍郎文一首

為河內王祭陸異州文一首

為吏部侍郎祭故人文一首

祭李侍郎文一首

為王司馬祭甄都督文一首

祭清河房公文一首

爲建安王祭苗君文

陳子昂

維某年月日朔方道大總管建安郡王攸宜以酒饌之奠
祭故壯武將軍左王齡衛中候左三軍營主苗君之靈君
忠勇兼資戎麾夙濟烏丸作逆赤羽從軍方且任君先鋒
仍馳後勁刈鮮卑之壘推蹋頓之師執馘獻俘歸受國賞
何圖大勲未立隨命先凋永懷咨嗟情用兼慟故命酒奠
告爾殤魂君其有靈歆茲薄酌嗚呼哀哉尚饗

祭黃州高府君文

前人

維年月日朔孫女夫某等謹以清酌庶羞之奠敢昭告于
故黃州高府君之靈惟府君含德元亨保和光大才堪濟
世而運屬承平器允登台而命鍾流集作流落有瑚璉之寶

無廟廟之資豈圖大位不濟幽靈永昧卑儀潛翳三十餘
年玄殯旣開黃腸已古今青烏改卜丹旆來歸窀穸即期
幽明永訣某奉事門闈興言追慕實憎感咽竊惟精意以
享黍稷非馨敢陳薄酌以獻明靈嗚呼哀哉伏惟尚饗

祭韋府君文

前人

維年月日左捨遺陳子昂謹以少牢清酌之奠致祭故人
臨海韋一有府字君之靈惟君孝友自天忠義由己有經世之
畧懷軌物之量甘心苦節風雨不改常欲窮則獨善其身
達則兼濟天下感激遐詠邈然青雲何期良策未從大運
奄忽嗚呼哀哉昔君夢奠之時值余實在叢棘獄戶咫尺
邈若山河話言空存白馬不弔迨天網旣開而宿草成列

言笑無由夢寐不接永言感慟何時可忘今旌旒言歸關
河方遠興言未訣今古長辭鄧攸無子天道何知洛陽舊
陌拱木猶存京兆新阡孤松已植已矣韋生云何及矣大
運之往賢聖同塵嗚呼哀哉伏惟尚饗

祭率府錄事文

前人

維年月日朔某等云云古人歎息者恨有志不遂如吾子
良圖方遠集作青雲自致何天道之微昧而仁德之攸孤
忽中年而顛沛從天運而長徂惟君仁孝自天忠義由已
誠不謝於昔人實有高於烈士然而人知信而必果有不
識於中庸君不慙而集作貞純乃洗心於名理元常既沒
墨妙不傳君之逸翰曠代同仙蜀本作豈圖此妙未極中道

而息懷衆寶而未攄永幽泉而掩胤嗚呼哀哉平生知己
疇昔周旋我之數子君交之百年相視而笑宛然昨日交
臂而悲今焉已失人代如此天道固集作然所恨君者枉
天當年嗣子孤藐貧窶聯翩無父何恃有母惇焉嗚呼孫
子山濤尚在嵇紹不孤君其知我無恨泉途嗚呼哀哉伏
惟尚饗

祭孫府君文

前人

維年月日子昂謹以牲酒之奠致祭故延俊府折衝燕然
集有孫府君之靈惟君少馳英武早効成功聲雄塞上名
重關中憺稜威於敵國存大節於家風旣揮金而退老方
餌玉集作於仙童何昊天之不弔隨大化之云集作終白

馬故人青鳥送往素車未訣黃壚誰賞醕集作酒盈觴集作 今尚饗

祭崔侍郎文

張說

維神龍三年月朔日兵部郎中員外曹良史等謹以清酌
少牢之奠敬祭故侍郎崔公之靈位以行成名以才起天
臨明代是生君子長戟高門層堂峻址孝友仁愛衣冠標
軌清通正直省闈集作條理束帶立朝惟國之後抑揚吐
納金聲玉振器不滯方神無留韻厚奉外不爲假坦率肉
不違真泛交而容博好施而能均欲人規已恕已及人故
者不遺其故親者無失其親歷否泰能全其節故令名不
離其身方齊六相助明三辰何孤我德何負茲神搏空集作

羽中駕摧輪昔時寮列今爲弔賓凡二三子夙承惠集作

遊

眷聯務七兵歲陽三變分與時積事由更練嘗嘗公庭申

申私宴慟奇微之末掩懷儀範之不見戢容止於綴足潛

眉目於蒙面哀哉奈何零涕集作如霰緬惟初疾以迄將

亡意氣精爽乾乾自強顧瞻賓客勉勉矜莊几不側弁衾

無解裳話言靜密憂公不忘猶看駿馬尚聰名倡靡神不

禱靡藥不甞倏然信宿竟歸渺茫歲初置酒春中酌觴何

吉凶之共域同歌哭於此堂自古及今人誰不沒豈嘆生

死所嗟愴卒脩途未半壯志先伐英子齒年遺孕集作數

月在親親與懷舊孰不傷心而痛骨靈集作莫易收深悲

難歇尚饗

為河內王祭陸異州文

前人

維萬歲通天元年月朔日神兵道大總管河北道按撫使

右金吾大將軍河內郡王以少牢之奠致祭故異州刺史

陸君之靈戎羯不道侵軼幽都兗渠電滅餘燎星鋪鳴弓

挾集作快柳飲馬長蘆攬集同惡難起無虞梟獍為依集作旅

鯨鯢有族裳旗來兵剡弧集作秋弦木泮渙吞噬睚眦觸逐

亂舞梯衡集作衡潛攻版築鑿齒爭厲熊罴未熟踰垣自潰

守陴皆哭高扁集作扁已陷連櫨集作樓復焚人類薙草城隨

壞雲僵屍暴骨藉藉紛紛嗟嗟使君死節無吝政覺成俗

兵機不振搆此集作狡猖狂難以德鎮城為讐保身膏虜刃

明明上帝仁覆憫下赫赫神兵驅馳在野朝告夕赴集作起

如何不及將守非堅為寇是急救兵適來涉血猶濕三軍

雷歎百戍雨泣天子命我董戎冀方旌旗介冑千里相望

既掃氛濁言巡戰場輯睦人吏撫寧孤孀徘徊城府悽愴

其棠禮重王事哀深國殤冤今有感歆此嘉嘗尚饗

為吏部侍郎祭故人文

張九齡

維開元十年歲次壬戌二月癸酉朔十七日己丑吏部侍

郎某謹以清酌脯醢之奠致祭于故某公之靈聞夫仁必

壽考所謂神道善亦慶延以為信然今夫子之不福而聖

謨之是德孝友純固禮讓周旋行所以直業所以專誠公

才而天假故官政以日宣節使是式朝宿既至十部稱賢

一人思媚鳳凰于彼雲霄以異胡然明靈殲我良懿嗚呼

哀哉夫子之逝平生之懷襟袍素合遊處嘗偕清風對禁
文石同儕自茲兩掖殆將一紀展轉清貫此離君子曷其
愛而甫云覲至正司空之掃第屬荊州之罷市歛交臂而
相失殷痛心其何已今卜兆有日祖載在廷颯然象設冥
爾音形驅白馬而何見瞻素車而已竊德音不忘應其棠
之勿剪交情乃見伊黍稷之非馨嗚呼哀哉尚饗

祭李侍郎集作文

前人

維年月朔日中散大夫洪州都督張九齡謹遣倉曹參軍
李某以醢脯之奠敬祭于故宋國公之靈惟公世載賢傑
天資忠厚外珪組而雖華內水鏡而無垢善常不伐明能
自晦省中之樹訪猶不言車前之馬數而後對淑慎自己

地

集作亨有時孰能違

集作速非

命公此來恩結忠主之戀深

去國之悲六疾斯起五福云欺生涯溘盡精魄何之嗚呼
哀哉追惟曩昔升降雲霄榮華侍從暉暉光昭日歟月歟
有榮有凋丹旆子子白驥蕭蕭同官之感俾余竟銷靈之
來歸茲焉旅次瞻望無覩悲辛自至頃密爾而寄音今寔
然而結歎南北于遠幽明永異何以叙情寄之奠饋與饗
為王司馬祭甄都督文

前人

維開元五年歲次丁巳九月丁酉朔十四日庚戌某官謹
以清酌少牢之奠敬祭于廣州都督甄公之靈惟公稟氣
異人為國良臣資忠秉義奮翼躍鱗富貴自取聲名益震
故能北擁旌於玄朔南仗節於朱垠行部無幾卧理斯屬

棠陰在聽薤歌成曲下流是仰長塗反促始望雨而隨車
遽驚風而轉燭嗚呼哀哉甫茲歲首彤檐載輝今也秋季
丹旒言歸嗟集作既寒來而暑往將物改而人非駟馬不馭
雙燕空飛對平生之氣象詠宿昔之音徽燕越兮地耿湖
山兮路微奠肴觴而集作之在席感徒御以霑衣嗚呼哀哉
尚饗

祭故相國清河房公文

杜甫

維唐廣德元年歲次癸卯九月辛丑朔二十二日壬戌京
兆杜甫謹以集作敬醴酒茶藕尊鯽之奠奉祭故相國清河
房公之靈曰嗚呼純朴既散聖人又歿苟非大賢執奉天
統唐始受命群公間出君臣和同德教充溢魏杜行之夫

荷畫一婁宋繼之不墜故實百餘年間見有輔弼及公入
相紀綱已失將帥干紀烟塵犯闕王風寢頓神器圯裂關
輔蕭條乘輿播越太子即位揖讓倉卒小臣用權尊貴倏
忽公實匡救忘餐奮發累抗直詞空聞泣血時遭侵沴國
有征伐車駕還京朝廷就列盜本乘弊誅終不滅高義沉
埋赤心蕩拆貶官厭路諛口一作言到骨致君之誠在困彌
切天道濶遠元精茫昧偶生賢達不必際會明明我公可
去一作云時代賈誼慟哭雖多顛沛仲尼旅人自有遺愛二
聖崩日長號荒外後事所委不在卧内因循寢疾顛顛無
悔天闕蜀本作死天泉途激揚風檠天柱既拆安仰翊戴地維
則一作既絕安放挾集作夾載豈無羣念我心切切不見君子

文苑英華 卷一百一十九 祭文 杜甫 祭故相國清河房公文

逝水滔滔泄涕寒谷吞聲賊濠有車爰送有緋爰操撫墳

日落掛集作晚 劔秋高我公誠子無作爾勞歛以素帛付諸

蓬蒿身沒集作盛 萬里家無一毫數子哀過他人鬱陶水漿

不入日月其滔州府救喪一二而已自古所歎罕聞知已

曩者書札望公再起往集作令 來禮數為能集作態 至此先帝

松栢故鄉枌梓靈之忠孝氣則依倚拾遺補闕視君所履

公之集作初 罷印人實切齒甫也備位此官蓋薄劣耳見時

危急敢愛生死君何不聞刑欲加矣伏奏無成終身愧耻

乾坤慘慘豺虎紛紛蒼生破碎諸將功勲城邑自守鼙鼓

相聞山東雖定灞上多軍憂恨展轉痛傷氛集作氣 盪玄豈

集作堂非 色白赤集作黑非 不分培塿滿地崑崙無羣致祭者酒陳

情者文何當旅櫬得出江雲嗚呼哀哉尚饗

文苑英華卷第九百七十九

文苑英華卷第九百八十

祭文三

交舊三

祭劉評事兄文一首

祭劉左丞文一首

祭友人張五兄文一首

祭亡友揚州功曹蕭公文一首

祭董大使文一首

祭李中丞文一首

祭嚴尚書文一首

祭李相公文一首

祭李侍郎文一首

祭員郎中文一首

祭衢州李司士文一首

祭裴尚書文一首

祭劉評事兄文

李華

維乾元二年歲次己亥六月乙未朔三日丁酉趙羣李華

祭于劉三兄之靈惟兄高韻曠度拔於時倫德契中和道符深仁泉明其照情性其文踈近無二心冥則親雅敦名教素遠權利夷險一節通塞一致有時不適與道偕醉跡

一作

隨沉浮量混同異白雲何遠清風自至人或知兄王

佐之噐豈人無福而兄天年浙東幕庭喪此一賢識與不

識辛酸泫然秦失五穀春不相杵清標高志行乃動主緊

我夫子列在中士職無所統談笑而已居室言善感於千

里綿江越湖掩涕相視追懷晨夜

一作曩辰

道則同謀定交梁

國周旋兩都更相默喜吾道不孤契濶艱難誰榮誰枯良

願再諧握手東吳羈旅情倍天倫豈殊去歲季冬將膺使

檄累辱來召陵江掛席持酒歡酣憂懷頓釋携手終日惜

言竟夕無食不均無衣不易題序申餞情深義激贈言纏

繆罷我行役涉泗而還遽承違癘猶復垂念尺書相繼將

慶有瘳俄哀永逝萎我盛德天故

疑作胡

不惠嗚呼痛哉華

江濱憔悴風濕所侵疾不果問喪不果臨無由執紼從茲

破琴異鄉之慟於此何心不言少別便爲古今嗚呼痛哉

光烈幕府親兄重兄恩深撫孤義感平生臨吊盡哀行路

涕零躬護喪事推以信誠古風復存今見哀榮嗚呼痛哉

孀妻晝哭弱子縷經蕭蕭旅塋空對江月想像遊處心呼

鬱結羽毛相依忍此凋缺寢門之悲悽斷吳越蘇門朗嘯

於此長絕泣戒將命往申微醜此如不祭祇益酸咽兄性

與道合栖心福庭故於是莫不列輦腥願垂惠照以濟幽

靈值佛開法長為弟兄素心惟此敢告冥冥尚享

祭劉左丞文

前人

維年月日左補闕趙郡李華謹奉清酌微奠祭于故國子
祭酒劉十六兄之靈痛矣夫時方刑措誼傳長沙運丁中
興衍廢于家命與道乖末如之何先師微言行已埋塞續
儒濟德俾世為則專門繼起人用不惑季孟叔仲並華于
國文傾遷固理破楊墨濁斯渾清曲莫容直孤玉沉韻高
鴻墜翼疇昔之年逆虜悖天帝命西平董戎于關上宰姦
回蔽明怙權阻以監撫海內翻然督哥舒將盍不速轅一作
哥舒青東哥舒盍東東袁兄在西陲飛章上言喻引古今易亡為存時
憚姦邪不聞帝閣文武房公慷慨獨論迎吠信信竟寢斯

文華忝諫官亦嘗披肝千里同氣寤寐未歎請受一作

收一作請一作鎮豐安乞固上黨乞備太原心竭犬馬事

屈羣頑哥舒表華掌記轅門明明仁兄紹介三軍奉族在

此懼為福疑原竟迫方寸孤天負恩聖朝孝理未忍行戮

爰詔三司伏念哀鞠綱脫一作烏鳥恩開桎梏實賴仁人

再春枯木房公介然明華於朝兄志提挈出泥登霄言于

宰司大啓學徒陳沈泊華可備師儒堂堂昌言光我囚拘

褚中不行何日忘諸功曹垂侍恩比天倫手足是此榮枯

一人友愛惟深憐眷益親難阨流離存亡未分冀遊門闥

以慰酸辛誰謂凋落今惟二人嗚呼哀哉弟參邦憲兄鎮

海夷誰云存歿共彼有期謂天無親胡與善違儒子攀號

遠奉裳帷季氏呼天割我四支平生故人橫涕交頤寄窆
空原時迨一作興師官尊地偏禮不成儀回望舊邦素車
遲遲潯陽地古舉目悽悲執紼流慟誰堪此時余生易感
况已衰羸泣薦潢汗魂兮臨之尚享

祭亡友張五兄文

前人

維永泰二年歲次庚午正月某朔日趙郡李華謹遣從姪
詹事府丞廉以茶乳蔬果之奠敬祭于亡友張兄博士之
靈嗚呼痛哉先生之終人倫不幸况乎小子最飽道風何
悲如之先生以道為貴以德為富以樂天知命為壽則非
其道而貴者賤也非其德而富者貧也不樂天不知命而
壽者天也然先王道貴德富加以樂天知命之壽固集
衆所痛者仁而無後天道何以為善與神理何以為正
滔滔江水此慟何窮嗚呼哀哉華殘年衰病不足履地撫
膺而哭欲往無由千里申奠不任酸咽仁兄先生俯監悲
懷尚享

祭亡友楊州功曹蕭公文

前人

維乾元三年二月十日孤子趙郡一無此李華以清酌之
奠祭于故亡友楊州功曹蘭陵蕭公之靈嗚呼茂挺平生
相知情體如一歲月之別俄成古今天乎喪予此痛何極
華釁罰深重艱棘所鍾殊方末慕觸目號裂孤窮易感况
哭故人以足下才惟挺生名蓋天下道孤命屈淪阨終身
避亂全潔忠也冒危遷祔孝也王佐之才先師之訓而歿

子道路何負於天乎痛哉華疇昔之歲幸忝周旋足下不
棄愚劣一言契合右稱管鮑今則蕭李有過必規無文不
講知名當世實賴若人循環徃復何日忘此華等一作泣
血千里羈旅相依聞其一作此一哀心骨皆斷夫痛之至者
言不能宣雖一作惟靈尚饗一作皆唐文粹

祭董大使文

崔祐甫

維寶應元年歲次壬寅月日祭于隴西董府君之靈曰秋
日淒淒百卉具腓城寺無主人焉適歸矧蓄蔭庥之望翻
遇死喪之威弔隨慶集事與心違良知與主昨是今非嗚
呼哀哉追惟曩歲末豐之遊清川倚棹廣路停輶道路契
濶燕言綢繆倏焉陳迹曾不少晉幾成海變何啻星周
翻翱翔上陵蒼蒼俯憐燕雀畏逼藩牆議以銜羽將貽稻
梁望國酸疑作酸奔初念楮中之惠及門問故俄增掛劔之
傷嗚呼哀哉干旒祭戟撤而不見總蒙戶而風悲葦遠庭
而靈泣疑作露邦人輟春殲良何速厲吏霑襟于何從祿永
無像於形儀庶有憑於軌躅羞匏葉而為薦北隻雞而可
續嗚呼哀哉尚享

為吏部李侍郎祭蘇州李中丞文 獨孤及

年月日某官某乙謹以清酌少牢之奠敬祭于故蘇州刺
史兼御史中丞贈吏部侍郎李公之靈嗚呼天以純粹鍾
美於公孝友慈惠公廉貞直事君以忠臨節有勇可以師
表鄉黨儀形縉紳宜荷百祿乃朋三壽執司物化曾莫輔

德諸父不死公獨返真官不過八命年未逾六十豈五藥

乖養九藏失節以及此乎將脩短之域窮達之數止於是

乎前期幽報如所修乎俯觀前生集作生前亦有恨乎昔公出

入臺閣勤勞王事驅馳集作馳驅使車周旋天下克已奉職一

何正也姑蘇之役姦倖構難公秉義勇誅其渠魁海寇圍

逼勾吳震駭公帥羸師克剪大敵奇謀生於死地貞節見

於孤城夫豈惡生誓無奪志臨危致命一何壯也濯纓來

朝祗若王命三府高議方以黃散咨公天乎無知不從人

欲旅櫬委於空館妻孥恨於遠道其來也駟馬朱幡其往

也孤轡丹旆天子興悼台臣雨集作雪泣情鍾我輩其集作哀

可既乎綰等義惟寮友季卿等屬忝宗族歎愛如昨集作

猶新伸眉未久集作幾交臂或集作忽失形骸留此冤鬼何之

鳴琴潺湲恍若在耳前路冥冥良遊無期靈之來兮歆此

薄酌集作酌尚享

為元相公祭嚴尚書文

前人

年月朔日某官某乙謹以清酌少牢之奠敬祭于黃門侍

郎兼吏部尚書御史大夫嚴公之靈嗚呼天惟難集作匪謀

才不必壽丹牛集作耕斯疾顏回知集作短命吉凶無朕集作朕

凡聖共惑惟公茂質見於芳年齒蠡九葩磊落集作柯千丈

嘗戮力當代以智開物若發硎之刃决雲切玉長安浩穰

憲網踈漏天子命公尹京執法能秉直道以張皇綱以智至皇

綱三十七字集本如此華英止作以智開廢物以道張皇綱盜奔訟清周月報政巴蜀

亟擾上為盱食自公

集作公之

攸徂亦既

集作乳亦

遄已昆夷授首

邛夔歛化及位

集作加

冢卿為天喉舌謂當任極台鉉壽如

岡陵青雲何攀白日忽暮嗟來桑扈溘與化往孰云夫君

而有斯芳叢

集作叢蘭

春敗大壑夜失非君興哀吾誰為慟昔

公先中書以道銷讒勝不踐袞職公復筭屈短曆卒無相

印蒼生孤望前後同悲曩子論交於予投分形接意敵聲

應事感俱涉世故累荷寵榮余忝台司公亦亞相大駕東

狩卒

集作護

陪屬車各負霸紼又同

集作同

扞牧圉誠節見於多

難交態彰於困蒙願言悉心共獎王室鎮蜀之後

集作後

南

北頗限猶易前期未嗟少別別未艾也死生間之夙昔

愛今返為悲真宰何人壽夭誰司善而無報天豈余欺

期惜無寶劍掛君松枝昔酒一壺幽明此辭尚享

為楊左丞祭李相公文

前人

年月日尚書左丞楊綰吏部侍郎王廷昌刑部侍郎魏少

遊工部侍郎徐浩謹以清酌少牢之奠敬祭于故相國李

公之靈嗚呼宗祏儲祉降神生公稟天純懿為國柱石負

荷代業儀刑本枝九君邊

集作專

城六處八座五嶺憲府兩

登台司惟公廉忠信是務惟寬厚清淨是守危言獻可未

嘗脂韋取容直躬而行不為權幸改操三已無愠一麾乃

出其茂勲崇名遺芳餘事輝映策牘標準縉紳所莅之邦

于今頌羨若鄉人之思子產周人之歌召伯謂公福如山

阜壽登期願為天子元老以彌成庶政溢與化往嗚呼曷

歸何萬人之具瞻與天命之相違窺遺塵於臺閣想見公

之容微嗟道申而壽短集作痛跡是而人非縮等恭承嘉

惠昔嘗登門接後堂之歡娛參東閣之討論譁浪在耳書

札具存柰何少別忽聞九泉集作尚享

為吏部楊侍郎祭李侍郎集作常侍文 前人

年月某官某乙謹以清酌少牢之奠敬祭于故右散騎常

侍贈禮部尚書李公之靈嗚呼冲和集作粹之氣生德於公

忠孝貞諒聰明宏達卓犖特立英明虛受自司翰持衡觀

風執法周旋三閣出入十載能直其道而正其身致命臨

節仁而有勇造次顛沛義形於色莊敬發乎談笑孝謹

乎集作闔門若天祚明德神與正直公宜錫慶鍾壽俾大

而昌于何官不至三事年不及六十積德無報為仁者惑

焉今行及先遠將安宅兆嗟來桑扈往無返期追思平生

夙昔歡好懇欵交臂之分勤拳集作殷勤同心之言今則冥漠

無非夢想非夫人之為慟而誰為慟不知神之所在彼乎

此乎旨酒一樽以為別乎集作庶以為別尚享

為明州獨孤俊臣集作使君祭員郎中文 前人

某月日某官某乙謹以觴豆之奠敬祭于故某部郎中兼

某州刺史員公之靈吳越憊歲元元艱食帝咨四岳分命

于公以公克勤于邦克儉于家忠而能立剛亦不吐出入

臺閣將十五載動合律度言為程式及茲剖符銜疾受命

而慨然有表正東夏澄清江湖之心海隅蒼生方仰集作望

公以大庇朝廷縉紳期公上台而悠悠蒼天屈公以下

壽時既得集作須而命不與致未窮而生有涯嗚呼哀哉昔

公繡衣持斧余忝接武於朝公負譴投荒余亦左袵異域

山川有間交情無極各隨波流在天一方險阻艱難亦既

備嘗邂逅相遇荆蠻之鄉惠而好我何日能忘浙右巨鎮

甬東孤城風烟接壤集作相弔伐同盟未及前驅莫申微誠

遽聞沉痾集作忽問死生九原誰歸萬事長往夙昔歡愛

無非夢想舟遊壑走吾將安仰隻雞之薦靈兮來集作饗

祭衢州李司士文

前人

年月朔日前華陰縣尉獨孤及謹以清酌庶羞之奠敬祭

于衢州司士參軍李君之靈惟君砥節勵行抱粹含純剛

亦不吐直而能溫筮仕誠立安卑道存宜錫難老亦高其

門如集作何盛德迫此短農追惟夙昔修好於君託以良

援申之婚姻勸我以義敦我以仁各徇薄宦俱期致身頃

復離別幾為胡秦契濶乖阻艱難苦辛君恨靡鹽陳力甌

閩余集于集作蓼零丁海濱弔恤何深舊好惟勤集作贈

言如昨尺素猶新倏忽長往吳誰與親常日音徽平生懿

文今則已矣長為古人憐君不知哭吾不聞瀝酒墳草酒

淚隴雲庶因薄奠髣髴精神尚饗

為華陰李太守祭裴尚書文 前人

年月日華陰郡守李某謹以清酌少牢集作庶羞之奠敬祭于

故禮部尚書河東裴公之靈嗚呼元精純粹生德于公峻

極降祉真明在躬濯纓登朝事君以忠出入三閣周旋兩

宮褰帷井陘推穀盧龍喉舌是寄令集作淑間斯崇鯤背垂

天鴻毛順風亦既左官時更困蒙夷險能一集作齊高明有

融三已無愠再命滋恭肇受方伯俄昇秩宗將陳謨謀以

佐時雍如何不弔降此鞠凶珠履聲絕蒼生望窮機返太

素勲番區中集作景鍾杳杳龍輔瞻言徂東敬飾薄奠邀神昊

穹靈顧來享髣髴聲集作音容嗚呼哀哉尚享

文苑英華卷第九百八十

